

বিভাগ
৩৭

ভিসিদের প্রতি ড. ইয়াজউদ্দিন দেশে নকলমুক্ত মানসম্মত ও বিশ্বমানের উচ্চ শিক্ষা নিশ্চিত করুন

॥ বাসস ॥

রাষ্ট্রপতি ও প্রধান উপদেষ্টা প্রফেসর ড. ইয়াজউদ্দিন আহমেদ দেশে নকলমুক্ত, মানসম্মত ও বিশ্ব মানের উচ্চ শিক্ষা নিশ্চিত করতে বিশ্ববিদ্যালয়সমূহের ভাইস চ্যান্সেলরদের প্রতি আহ্বান জানিয়েছেন। তিনি গত বৃহস্পতিবার বঙ্গবনে রাষ্ট্রপতির সাথে বাংলাদেশ বিশ্ববিদ্যালয় পরিষদের একটি প্রতিনিধিদল সৌজন্য সাক্ষাৎ করলে এ আহ্বান জানান। দেশের সব বিশ্ববিদ্যালয়ের ভিসিদের সমন্বয়ে গঠিত এই পরিষদ রাষ্ট্রপতি ও বিশ্ববিদ্যালয় সমূহের চ্যান্সেলর ও প্রধান উপদেষ্টার কাছে বিশ্ববিদ্যালয়সমূহের সমস্যার কথা তুলে ধরেন। তারা পাবলিক বিশ্ববিদ্যালয়সমূহের চ্যান্সেলরদের বিদেশে সভা-সেমিনারে যোগ দেয়ার অনুমতির (৫ম পৃঃ ৫-এর কঃ প্রঃ)

ভিসিদের প্রতি ড. ইয়াজউদ্দিন

(তৃতীয় পৃঃ পর)

ক্ষেত্রে বিলম্ব দূর করা, মাসিক ভাড়া বাড়ানো এবং সরকার প্রদত্ত বিশ্ববিদ্যালয় পরিষদের জমিতে ভবন নির্মাণের জন্য রাষ্ট্রপতি ও প্রধান উপদেষ্টার হস্তক্ষেপ কামনা করেন। তারা বলেন, রাষ্ট্রপতি ও সরকার প্রধান হিসাবে রাষ্ট্রপতি এখন দেশের সকল বিশ্ববিদ্যালয়ের চ্যান্সেলরদের দায়িত্ব পালন করছেন। রাষ্ট্রপতি ও বিশ্ববিদ্যালয়সমূহের চ্যান্সেলর তাদের বক্তব্য মনোযোগ দিয়ে শোনেন এবং সকল প্রকার সহযোগিতার আশ্বাস দেন। রাষ্ট্রপতির উপদেষ্টা এম মোখলেসুর রহমান চৌধুরী এনাময় উপস্থিত ছিলেন।

বিশ্ববিদ্যালয় পরিষদ প্রতিনিধি দলে ছিলেন বিশ্ববিদ্যালয় পরিষদের চেয়ারম্যান, বুলনা বিশ্ববিদ্যালয়ের ভিসি প্রফেসর ড. মোঃ মাহবুবুর রহমান, পরিষদের কোষাধ্যক্ষ, বাংলাদেশ উন্মুক্ত বিশ্ববিদ্যালয়ের ভিসি প্রফেসর ড. এম এরশাদুল বারী, ঢাকা বিশ্ববিদ্যালয়ের ভিসি প্রফেসর এস এম এ ফয়েজ, রাজশাহী বিশ্ববিদ্যালয়ের ভিসি প্রফেসর ড. এম আলতাফ হোসেন, বাংলাদেশ কৃষি বিশ্ববিদ্যালয়ের ভিসি প্রফেসর ড. মোশাররফ হোসাইন মিঞা, বাংলাদেশ প্রকৌশল বিশ্ববিদ্যালয়ের ভিসি প্রফেসর ড. এ এম এম সফিউল্লাহ, চট্টগ্রাম বিশ্ববিদ্যালয়ের ভিসি প্রফেসর ড. এম বদিউল আলম, জাহাঙ্গীরনগর বিশ্ববিদ্যালয় ভিসি প্রফেসর খন্দকার মুস্তাহিদুর রহমানসহ মোট ২১ জন ভিসি।